

## **Ўзбекистонда она ва бола саломатлигини саклаш соҳасидаги илмий-тадқиқот ишлари тарихи**

Г.Э.Мўминова,  
тарих фанлари доктори  
ҚарДУ Ўзбекистон тарихи  
Кафедраси доценти.  
**Н.Тоштемирова**  
ҚарДУ Ўзбекистон тарихи  
мустақил изланувчиси

**Калим сўзлар:** Ўзбекистон, она ва бола, саломатлик, фан, илмий-тадқиқот, тарих, кафедра, туғилиши, акушерлик, педиатрия.

**Ключевые слова:** Узбекистан, материнства и детства, здоровья, наука, научно-исследовательский, история, кафедра, рождаемость, акушерства, педиатрия.

### **Key words and phrases:**

Жамиятда оналар ва болалар тўғрисида ғамхўрлик қилиш ва улар саломатлигини муҳофаза этиш келажак авлод баркамоллигини таъминлашнинг энг асосий ҳал қилувчи омилларидан бири ҳисобланади. Ҳар бир давлатда бу масалага муайян ҳалқ менталитети, иқтисодий ривожланиши ҳамда ижтимоий ҳолатидан келиб чиқиб ёндашилган. Хусусан, совет ҳокимияти йилларида оналик ва болаликни ҳимоя қилиш юзасидан муайян чора-тадбирлар қўрилиб, аёллар ва болалар учун маслаҳатхоналар, сут тарқатиш пунктлари, яслилар очилди ва турли касалхоналар таркибида улар учун бўлимлар фаолияти йўлга қўйилди ҳамда даволаш ўринлари сони қўпайтирилди.

Ўзбекистонда совет ҳокимияти йилларида соғлиқни саклаш соҳасини йўлга қўйиш ишлари илмий-тадқиқот ишлари билан биргаликда олиб борилди. XX асрнинг 20-йилларидан ўлкада дунёвий тиббиёт фанини ривожлантириш тадбирлари олиб борилиб, тиббиётнинг турли ихтисосликлари бўйича илмий-тадқиқот муассасалари ташкил этилди. Хусусан, оналик ва болаликни муҳофаза қилиш илмий-тадқиқот институтининг ташкил этилиши ҳам шу даврга тўғри келади.

Ўзбекистонда акушерлик фани бўйича дастлабки илмий-тадқиқот ишлари Туркистон Давлат университети тиббиёт факультети “Акушерлик ва

гинекология” кафедраси аъзолари томонидан амалга оширилди. Кафедра асосчиси К. Т. Хрушев бўлиб, у кафедрани 1924 йилга қадар бошқарди. Ундан сўнг кафедрани профессор А. М. Новиков, профессор Ф. Н. Тавладаров, профессор С. К. Хаскин, А. А. Коган, Х. С. Умаровалар бошқарди<sup>1</sup>. А. Б. Яхина-Терегулова, М. А. Даниахий, Г. М. Кутумова, Д. П. Ливанов, А. Ф. Попов, М. А. Финкель, Г. Д. Асфандиёрова, Т. И. Копитовскаялар Туркистонда биринчилардан бўлиб акушерлик фани бўйича изланишларни бошлади. Тадқиқотларда Ўрта Осиё шароитида бефарзандликнинг келиб чиқиши сабаблари, туғруқ жараёнида оғриқсизлантирувчи дориларни қўллаш ва фаннинг бошқа муаммоли масалалари бўйича изланишлар олиб борилди. Тадқиқот натижалари илмий анжуманларида маъруза шаклида баён қилиниб, амалиётда қўлланилди. Масалан, 1925 йил Ўрта Осиё врачларининг II съездидаги Г. Л. Ванштейн ва Е. Корчицлар юқорида таъкидланган масалалар бўйича маъруза қилди<sup>2</sup>. 1929 йил оналик ва болаликни муҳофаза қилиш бўйича Ўрта Осиё республикалари вакилларининг йиғилиши бўлиб ўтади. Анжуманда А. А. Шорохова маъруза қилиб, у ўз нутқида ўлкада оналар ва болалар касалликларининг тарқалиши, уларнинг олдини олиш юзасидан олиб борган изланишлари натижаларини баён қилди<sup>3</sup>.

Бу соҳадаги тадқиқот ишларини жонлантириш ва ривожлантиришда 1927 – 1940 йилларда фаолият кўрсатган она ва бола саломатлигини муҳофаза қилиш илмий-тадқиқот институтининг роли катта бўлди. Институт 1927 йил 8 марта иш бошлаб, унинг биринчи директори Н. И. Осиповский бўлди. Мазкур институт ходимлари олдига қуйидаги ташкилий ва илмий ишлар қўйилди: Ўзбекистонда болалар касаллиги ва ўлимини камайтириш, болалар ўртасида кенг тарқалган касалликларнинг олдини олиш чораларини кўриш, яслилар ишини яхшилаш, оналар саломатлигини муҳофаза қилиш ва

<sup>1</sup> Кадыров А. А. Научная деятельность кафедр акушерства и гинекологии ТашМИ //Медицинский журнал Узбекистана.– 1980-№ 10.– С. 51-52.

<sup>2</sup> Хасanova Р. Г. О развитии акушерской науки в Узбекистане в первые годы Советской власти //Медицинский журнал Узбекистана.– 1968-№ 3.– С. 25-26.

<sup>3</sup> Материалы I Средне-азиатского совещания работников охраны материнства, младенчества и детства в 1929 г. Ташкент, 1930.– С. 126-136.

ўлимни камайтириш юзасидан тадбирлар олиб бориш кабилар. Институт очилган йиллари Б. М. Дейч, С. Э. Волькенштейн, Д. Л. Рижик, З. Я. Герминович, А. П. Васильев каби олимлар фаолият кўрсатди<sup>4</sup>. Институт илмий ходимлари оналар ва болалар ўртасида тарқалган турли касалликларнинг олдини олиш ва тугатиш, бефарзандликни даволаш каби масалалар устида тадқиқотлар олиб борди. 1940 йил бу институт Тошкент тиббиёт институтида педиатрия факультетининг очилиши билан тугатилди<sup>5</sup>.

Тадқиқотчилардан Н. Б. Каркадиновский 1927 йил Тошкент округи қишлоқ аёлларида бефарзандлик сабабларини аниқлаш юзасидан тадқиқот олиб борганда, назоратдан ўтказилган аёлларнинг 8, 1 фоизида бефарзандлик аниқланган. Шу йили В. В. Ясевич Хоразм округида мазкур масала бўйича изланиш олиб борди.

Ўзбекистонда педиатрия фанининг асосчилари А. Н. Устинов, Р. С. Гершенович, В. И. Лисенко, Н. И. Осиповскийлар бўлди. 1920 йил тиббиёт факультети қошида профессор А. Н. Устинов раҳбарлигида 15 ўринли болалар клиникасининг ташкил этилиши ўлка педиатрия фанини ривожлантиришда жуда катта воқеа бўлди. Клиникада А. Н. Устинов билан бирга Б. М. Дейч, В. Н. Лисенко, Р. С. Гершенович, И. А. Гаритовскийлар bemor болаларни даволаш, ўлкада тарқалган турли болалар касалликларини ўрганиш бўйича тадқиқотлар олиб борди. Клиника қошида 1924 йил педиатрларнинг илмий жамияти тузилди<sup>6</sup>. 1924 йилдан эътиборан бу клиникани Н. И. Осиповский бошқарди ва у билан бирга Р. С. Гершенович, К. Т. Титов, Н. И. Иванов, Н. А. Гаритовский, клиника ординатори А. М. Мақсудов иш олиб борди. 1930 йил Н. И. Осиповский Москва болалар клиникаси раҳбарлигига ўтказилгандан сўнг, клиникани Р. С. Гершенович бошқарди. У билан биргалиқда таниқли педиатрлардан С. М. Меткис, М. З. Любенцкая, К. Т. Титов, Н. И. Иванов, А. М. Мақсудов, А. А. Ножик-

<sup>4</sup> Абдуллаев И. К. Из истории создания основ охраны материнства и детства в Узбекистане //Советское здравоохранение, 1991-№ 11.- С. 64–65.

<sup>5</sup> Махмудов О. С., Геллер И. С. На службе охраны здоровья детей //Медицинский журнал Узбекистана, 1991-№ 4.- С. 71-73.

<sup>6</sup> Ниязов Д. М. Охрана здоровья детей в Туркестанской республике в 1917–1924 гг. //Советское здравоохранение, 1962-№ 12.- С. 49.

Буссель, Х. Т. Глезер, Д. И. Исҳақова, И. Ф. Фозиловлар биргаликда изланиш олиб борди.

Ўзбекистонда оналик ва болаликни муҳофаза қилиш масаласига бағишиланган илмий анжуманлар ҳам ўтказилиб, соҳа фаолиятига доир кўплаб долзарб масалалар мухокама қилиб борилди. 1929 йил Ўрта Осиё оналик ва болаликни муҳофаза қилиш муассасалари ходимларининг I съездиде бўлиб, унда соҳа фаолиятини йўлга қўйиш, туғруқ ишларини ташкил этиш, бепуштликни даволаш, яслилар, болалар ва аёллар маслаҳатхоналари очиш, соҳа учун кадрлар тайёрлаш ва бошқа масалалар юзасидан маъruzalар тингланди<sup>7</sup>. Анжуманда аёлларнинг паранжи ва чачвони ҳамда унинг она ва бола соғлиғига заарли томонлари тўғрисида Р. С. Гершенович, Ф. Н. Тавилдаров, Р. Н. Казоросянлар маъруза қилди. Маъруза муаллифлари паранжи ва чачвоннинг аёллар ва болалар саломатлигига таъсирини оналик ва болаликни муҳофаза қилиш илмий-тадқиқот институт ходимлари олиб борган тадқиқот натижаларига мувофиқ таҳлил этишга ҳаракат қилди. Масалан, Р. С. Гершенович ва Ф. Н. Тавилдаровлар маърузасида институт илмий ходими А. Д. Асфандиёрова 120 та аёллардан сўровнома олиб, улардан паранжи ва чачвоннинг қулай ва ноқулай томонлари юзасидан сұхбатлар уюштирилганлигини таъкидлайди. Тадқиқот натижасида шу нарса аниқланадики, аксарият аёллар паранжи ва чачвон тақиши улар учун жуда кўплаб ноқулайликлар туғдириши такидланади<sup>8</sup>. Р.С.Гершеновичнинг таъкидлашича, паранжи ва чачвон остида ёш гўдак организмига жиддий таъсир кўрсатадиган ҳолатлар намоён бўлади. Аввало, паранжи остида тоза ҳаво етишмаслиги оқибатида нафас олиш қийинлашади, болада овқат ҳазм қилиш органларида бузилиш юзага келиб, турли юқумли касалликларнинг ривожланиши учун қулай муҳит вужудга келади, шунингдек, инсон организми учун ниҳоятда зарур бўлган қуёш нури тўсилади<sup>9</sup>.

<sup>7</sup> Материалы 1-го Средне-азиатского совещания работников охраны материнства.– Ташкент, 1930.–С. 1-3

<sup>8</sup> Материалы 1-го Средне-азиатского совещания работников охраны материнства.– Ташкент, 1930.

<sup>9</sup> Гершенович Р. С. Вредное влияние паранджи, чачвана и бешика на узбекского ребенка. //Материалы 1-го Средне-азиатского совещания работников охраны материнства – С. 57.

Р.Н.Казоросян эса паранжи ва чачвоннинг ҳомиладор аёллар организмига салбий таъсири, айниқса аёл танасида қон айланиш жараёнининг бузилишини асослаб беради<sup>10</sup>. Паранжи ва чачвон аёллар ўртасида баъзи кўз касалликларининг тарқалишида асосий омиллардан бири бўлиб хизмат қилган. Масалан, тадқиқотларда аёлларнинг паранжи ва чачвон тагида қуёш ёруғисиз кўп вақт бўлиши кўз нурига жиддий таъсири этиши аниқланган. 1928 йил Хива шаҳар амбулаториясида фаолият олиб борган врач Сек кўз касалликларининг ахолининг турли қатламлари орасида тарқалиши юзасидан изланишлар олиб бориб, 3273 беморни ўрганади. Тажрибаларда шу нарса кўринадики, глаукома – кўз касаллиги дунёнинг кўпгина мамлакатларида аёл ва эркаклар ўртасида бир хил тарқалган. Аммо Ўзбекистонда бу касаллик билан касалланганларнинг катта қисмини аёллар ташкил этган. Тошкентнинг эски шаҳар қисмидаги шифохонада 1919 –1928 йиллари фаолият олиб борган врач Журавлев кўз касалликларининг ахоли орасида тарқалиши юзасидан олиб борган тадқиқотларида аниқлашича, глаукома билан касалланганларнинг 83, 9 фоизини аёллар ташкил қилган<sup>11</sup>.

Ўзбекистонда Оналик ва болаликни ҳимоя қилиш илмий-тадқиқот институти 1966 йили қайтадан ташкил этилди ва 1969 йили Педиатрия институти деб қайта номланди. Институтда асосан 2 та: педиатрия ва акушер-гинекология бўлимлари фаолият олиб борди. Институтда 86 нафар ходимдан 3 нафари фан доктори, 21 нафари фан номзоди эди<sup>12</sup>. Тадқиқот ишларида асосан оналар ва болаларга кўрсатилаётган тиббий хизматни яхшилаш, бу соҳадаги профилактика ишларини кучайтириш, оналар ва болалар ўлимини камайтириш каби масалалар ечимиға қаратилди. Тадқиқот натижаларига кўра респуб-ликада болаларнинг касалланиши 25 – 30 фоизга, ўлими 24 фоизга пасайишига эришилди. 1966–1990 йиллар давомида институтда 12 та фан доктори, 80 нафар фан номзоди тайёрланиб, 22 та илмий ишлар тўплами, 12

<sup>10</sup> Гершенович Р. С. Вредное влияние паранджи, чачvana и бешика на узбекского ребенка //Материалы...–С. 69–70.

<sup>11</sup> Тавилдаров Ф. Н. Влияние паранджи и чачvana на физическое здоровье женщины //Материалы 1-го Средне-азиатского совещания работников охраны материнства.– Ташкент, 1930.– С. 66-67.

<sup>12</sup> ЎзР МДА, Р-837-фонд, 41-рўйхат, 3598-ийғма жилд, 5-варак.

та монография, 1000 дан зиёд илмий мақолалар нашр этилди ва 364 та илғор тажрибалар амалиётда қўлланилди<sup>13</sup>.

Хуллас, Ўзбекистонда она ва бола саломатлигини муҳофаза қилиш борасида олиб борилган изчил тадқиқотлар натижасида ришта, безгак каби касалликлар тўла тугатишга эришилганлиги маълум бўлди. Оналик ва болаликни ҳимоя қилиш илмий-тадқоқот институти совет даврида узилишлар билан бўлсада фаолият кўрсатди. Бу соҳадаги тадқиқотлар Ўзбекистондаги тиббиёт институтлари олимлари томонидан ҳам олиб борилиб, маълум ютуқларга эришилди.

## РЕЗЮМЕ

Ушбу мақолада Ўзбекистонда совет ҳокимияти йилларида оналик ва болаликни муҳофаза қилиш бўйича олиб борилган илмий-тадқиқот ишлари, тадқиқотчи олимларнинг бу соҳадаги изланишлари хусусидаги фикр-мулоҳазалар умумлаштирилади.

## РЕЗЮМЕ

В данной статье обобщаются мнения и рассуждения относительно научно-исследовательских работ, поисков учёных-исследователей посвященных защите материнства и детства в годы советской власти в Узбекистане.

## RESUME

## Фойдаланилган манба ва адабиётлар рўйхати

- 1.Абдуллаев И. К. Из истории создания основ охраны материнства и детства в Узбекистане //Советское здравоохранение, 1991-№ 11.– С. 64–65.
- 2.Гершенович Р. С. Вредное влияние паранджи, чачвана и бешика на узбекского ребенка. //Материалы 1-го Средне-азиатского совещания работников охраны материнства – С. 57.
- 3.Кадыров А. А. Научная деятельность кафедр акушерства и гинекологии ТашМИ //Медицинский журнал Узбекистана.– 1980-№ 10.– С. 51-52.
- 4.Материалы I Средне-азиатского совещания работников охраны материнства, младенчества и детства в 1929 г. Ташкент, 1930.– С. 126-136.
- 5.Махмудов О. С., Геллер И. С. На службе охраны здоровья детей //Медицинский журнал Узбекистана, 1991-№ 4.– С. 71-73.

<sup>13</sup> Махмудов О. С., Геллер И. С. На службе охраны здоровья детей //Медицинский журнал Узбекистана.– 1991-№ 4.– С. 71.

6. Ниязов Д. М. Охрана здоровья детей в Туркестанской республике в 1917–1924 гг. //Советское здравоохранение, 1962-№ 12.– С. 49.

7. Тавилдаров Ф. Н. Влияние паранджи и чачвана на физическое здоровье женщины //Материалы 1-го Средне-азиатского совещания работников охраны материнства.– Ташкент, 1930.– С. 66-67.

8. ЎзР МДА, Р-837-фонд, 41-рўйхат, 3598-йиғма жилд, 5-варак.